

內務

會議政務處奏請覆直隸布政使增韞奏推廣旗丁生計藉實邊陲摺

一百五十三

三月

按級升轉以資熟手第法部現在雖於京師奏設高等地方各級審判廳區以冀逐漸推廣而法學人員多未卒業後來新進又苦於地方風俗未能全行了然勢不能不兼用昔日資深諳練之人以維持於其際是出身本來各異則出路自難強同況各署俸薪未能一律若使概從優厚則庫帑有所不支倘竟靳其調遷則來者又將觀望恐欲重法律專門之學而轉致英才裹足之憂是以臣等公同商酌該御史所稱司法人員定爲終身官階一節一時尙難辦到應俟將來分科學堂畢業各項專門學生較多再行照此任用至所謂各司員希冀多設額缺以爲京察截取外轉道府地步等情查現在各署新設之缺過多往往以雙月候選人員率請補授要缺一經捐俸卽予以道府之階於鼓勵則有餘於歷練則不足不特外省員缺只有此數紛紛改外斷難容納且恐各司員補缺之後卽視此官以爲借徑一切民事刑事概不留心似不可不預防其後擬請飭下法部大理院堂官將現在該衙門額設員缺若干將來如何升轉詳細開單咨由吏部會同臣等覆覈參酌本年九月吏部奏定限制警官保送章程畫開內升外轉之途使與各署司員無所偏倚庶足以昭公允而資鼓勵謹奏奉旨依議欽此

會議政務處奏議覆直隸布政使增韞奏推廣旗丁生計藉實邊陲摺

十月丁未年

十一日軍機處鈔交直隸布政使增韞奏推廣旗丁生計藉實邊陲摺一件片二件奉

硃批會議政務處議奏片二件併發欽此臣等覆核原奏本移民實邊之意爲屯墾久遠之圖自開荒領地以及貸資本立銀行設管理大員皆屬相因之事計慮亦甚周詳竊維遷民之策自古爲難道遠則轉徙艱人衆則費用鉅故東西各國殖民政策首在航路軌路之交通今如原奏調查邊荒一節黃河上游若後套多可耕之地遷民屯墾以西北駐防爲便若陝甘之與新疆川省之與藏衛名爲接壤而蠻山沙漠跋涉於數千里之外非獨人情不順抑亦事勢難行惟東三省水陸兼通而人稀土沃徙墾最宜現據該省總督徐世昌等奏報籌備遷民一摺謂京漢一路與京奉軌線相接海上航路由煙臺而達營口取道尤便計赴江人民以直豫皖鄂及山東數省爲宜刻正籌畫安插經費一俟妥商就緒應卽遣員繪圖遡赴各省設局辦理以廣招徠等因是該藩司遷民開荒一策若先從東三省辦起似亦因時制宜之法應請 飭下直隸山東河南安徽湖北各督撫將軍副都統等查明駐防旗丁數目除原有牧廠莊田及附近州縣有地可購遵照八月二十日 諭旨辦理外其或本省無地可授及閑散旗丁並無營業者分別調查另編冊籍一面咨會東三省督撫詳籌辦法總期在本旗無抑勒遷移之弊在墾地有所至如歸之樂庶幾逐漸推行費

內 務

會議政務處奏議擬直隸布政使增韞奏推廣旗丁生計藉實邊陲摺

一百五十三

戊申

內務

會同政務處奏請覆直隸布政使塔爾奏推廣丁生計藉實邊陲摺

一百五十四

三月

不煩而事易集至圍場懇務光緒三十一年奉

旨派臣袁世凱督辦當將委員勘丈設

局招墾等情並豫籌退伍旗兵永遠生計奏明在案是該處屯墾業經興辦無庸再議又原奏分別業田學田及每丁領地十頃一節查墾荒十頃恐非一夫之力所能周招佃承種又易啟展轉典押之弊且墾地有遠近田土有肥磽似難一律而論至籌貸成本自是開荒要義惟原奏謂領田一畝者貸給資本銀一兩則如移屯萬人領十頃借本已需千萬川資一切尙不在內如何籌集鉅款原奏亦未有辦法以上兩端應由駐防與招墾省分將軍督撫等會同商定擬議章程妥爲經理如其屯墾之事辦有端倪非有銀行爲之樞紐則交通不便而機關不靈當如原奏籌設勸農銀行及分設支店貸款購物一切取給於斯目前但爲便民之計異時卽爲儲蓄銀行之基將來應需成本除該省設法籌集外或由公家量爲補助以冀漸次擴充其指撥鎊餘及由旗丁舉員承辦事多窒礙應無庸議以上各節清查資遣責在駐防省分經畫安插責在招墾省分如由該管各地方官總其綱要徐圖布置自能期底於成所請設立管理大員竊恐事權分屬無所裨益又另片請准旗丁出外謀生刪除舊例各節謹查同治四年六月奉

上諭內閣八旗都統等會同戶部等部奏遵議沈桂芬條陳籌費移屯恤旗民而實邊防一摺據稱旗人聽往各省之法道光年間曾經籌辦

有案現擬量爲推廣以裕旗人生計請嗣後旗人有願出外營生者無論降革休致文武官員及未食錢糧本食錢糧舉貢生監暨兵丁閑散人等准由該都統給照前往如願在外省落業准其呈明該州縣編爲旗籍其服官外省之降革休致文武各員及病故人員之子孫親族人等無力回京者亦准一體辦理所有詞訟案件統歸該州縣管理如有不安本分滋生事端者卽由該地方官照民人一律懲治其願入民籍者卽編入該地方民籍各等語所籌尙屬周妥卽著八旗都統將此次推廣辦法逐節出示曉諭俾衆咸知以裕生計而示體恤等因欽此是原奏所陳早經籌辦今應申明成例通行各衙門遵照辦理又片奏退伍漢兵同時安插墾種查各省募兵其經遣散者大都逗遛外省不回本籍卽使招墾未必樂赴將來徵兵期滿其退伍者或以家無生產願就屯墾應由該省督撫酌量設法安插以廣皇仁而固軍志謹 奏奉 旨依議欽此

會議政務處奏議覆陝甘總督升奏青海緩建行省先行試墾摺

本年十一月十一日准軍機處鈔交陝甘總督升允奏青海緩改建省先行試墾一摺奉 硃批會議政務處議奏欽此臣等覆核該督原奏歷陳青海地方情形首舉建省之難次言試墾之利並援引前兩廣督臣岑春煊原奏不必徒侈改制之名而當先盡振興之實

內 務

會議政務處奏議覆陝甘總督升奏青海緩建行省先行試墾摺

一百五十五

戊申